

# “Baez Daih’it” Nanzlumz

## 难忘的“第一次”

武鸣县仙湖镇中桥小学 六(3)班 潘俊安

Seiqvunz miz haujlai baez “baez daih’it” —Baez daih’it naenghci, baez daih’it yawj denyinj, baez daih’it cawjbyaek, baez daih’it guh’angq, baez daih’it guh soujgoeng, baez daih’it deng sieng……Gou hix miz haujlai baez daih’it, hoeng, youq haujlai baez daih’it ndawde, miz baez ndeu cix sawj gou nanznini lumz mbouj ndaej, seizseiz geiq youq ndaw sim……

Haenx dwg ngeih nienzgaep aen couhmoz he, gwn caeuz le, daxmeh yaek bae bangunhsiz gyaban, gou hix caeuz de itheij bae lo. Youq ndaw bangunhsiz daxmeh hwnjvangj, dwk yaep youzhi le, couh mbouj miz gijmaz saeh yinxdouz guh lo, gou couh siengi ma ranz lo. Hoeng gou baez ngeix daengz youq gwnz loh ma ranz yaek caeuz duzfangz duzgeivgaiq dox-hoenx, gij giva gou sikhaek deng dub soi. Gou moenghmangh muengh bingzmuz dennau myab mbouj dingz haenx, youq ndaw sim hoenx bae hoenx dauq. Miz aen sing ndeu naeuz: “Baema ba! Baema ba!” Lingh aen sing hemq naeuz: “Vihmaz baema? Louz youq gizneix mbouj ndei ma?”

Daih’it aen sing youh yiengi hwnj-daeuj, beij haxbaenh engq leixhaih lo: “Baema! Yienghneix mboujdan ndaej guhbaenz saeh mwngz siengi guh haenx, caemhcai ndaej lienh mbei mwngz!” Lingh aen sing mizid saenz: “Gaej baema……” Sing cauz yienghneix hawj gou simfanz. Daxmeh yawjraen simsach gou, riu naeuz: “Caj mbouj ndaej le, baema gonq ba!” Gou gipmuengz ngauz gyaеuj. Daxmeh raen le nyaеuq meizda naeuz: “Mbouj gamj ma? Yienghneix mwngz couh caj aen daengz song aen cungdouz caeuz gou itheij baema lo.” Gou itcig gyaеz aeunaj dangqmaz, swyienz souh mbouj ndaej daxmeh lengx: “Bae…… Bae couh bae!”

Byaij ok bangunhlaеuz, rumz lumj fag cax rach, coeg naj gou in bae, yawj diuz roen hung laepcupcup haenx, gou youh simhaw lo. Gou yaekyaek yoemyoem ndonj haeuj ndaw laep bae, byaij ndaej simdiuq budbud. Sawqmwh, baihlaeng gou myanz ok mbanj ronghsag ndeu, nyingz youq gwnz faex doiqmienh, ingj ok le gij nye faex doengh, gou annaeuz dwg gijmaz iugvaiq, ganjgip gyavaiq

yamqdin, hoeng cungj gamjdaengz baihlaeng gwnz faex miz “iugvaiq” cingq cim gou, gou hix goq mbouj ndaej yienghsiengq swheij, yat din couh buet, caj daengz cwnqmingz duz “iugvaiq” haenx yawj mbouj raen gou le, cij baegfofo dingz roengzdaеuj. Gou yawjyawj seiqlengq, baenz benq yaemsisi, nyaenx mbouj ndaej siengi hwnj gij goj fangz. Henz rwz gou lumj miz gij sing hemq coegrwz doenghdwz yakrwix, cik ga gou saenzgywgywg, siengi yamq okbae gannanz raixcaix.

Gou menhmenh byaij, daеuj-daengz laj daeng henz roen, sawqmwh yawjraen baihlaeng miz duz ngaеuz he cingq gaen gou. Ndaw uk gou sikhaek miz aen siengjap he, nanzdauh dwg miz boux vunz hecingq riengz gou? Gou di cungj mbouj ngeix caiq ndonj haeuj ndaw laep bae, menhmenh yiengq gij fuengyiengq haxbaenh fatyienh ngaеuz ndaem haenx byaij bae, boux vunz haenx baenzlawz mbouj raen ne? Gou nyеux gyaеuj bae, sawqmwh fatyienh boux vunz haenx cingq youq baihlaeng gou, hoeng sijsaeq yawj youh mbouj lumj. Gou cimyawj haujlai nanz cij roxnynh



gij mienhmoeg de——gij ngaеuz gou, gou youh doengngeix saengeix, caiq gangj gwnz seiqgyaiq baenzlawz miz fangz ne. Aen sim gou diuqbubbub haenx andingh lo, yamq hung dwk byaij hwnjdaеuj, gig vaiq couh ma daengz ranz lo. Ngamq haeuj bakdou, denva daxmeh couh daengz lo. Dingqnyi gij sing gou, daxmeh mingzyiemj soeng gaemz heiq he: “Swnhleih madaengz ranz la? Gou aiquaeuz daeg lwg gou deng iugvaiq gwnz lo!” Dingq le gij vah neix, gou nyaenx mbouj ndaej rumbw mbat he.

Ginglig baez daih’it yienznaеuz gig yiemj, gig lau, hoeng youh dwg gij banhlap ndaej muzlien ciheij. Gienh saeh neix sawj gou ciuhvunz nanzlumz, aenvih de beizyangj naengzlig gou, muzlien yici gou.

Maen’ ak dwk bae sawqsawq baez daih’it miz yiyi, de rox sawj gij swnghhoz mwngz engqgya fungfouq lai saek bw!

## Daegnuengx Mbeilaux

### 勇敢的弟弟

武鸣县仙湖镇中桥小学 五(3)班 潘秋玲



Gou miz daegnuengx ndeu, bineix ngamq ndaej song bi buenq. De daegbied haenggyaеz gingjaz daxau. Cijaeu ndaw densi miz gingjaz daxau, de couh di ndeu mboujdoengh dwk cimyawj. Mboujgvaq, de caen lumj gingjaz daxau yienghaenx mbeilaux ne!

Daegnuengx cibfaen haengj doengh, aenvih vunz iq, gingciengz laemx. Hoeng de coengzlaiz mbouj daej. Laemx lo, de cungj dwg itmienh gangj “lwg’iq gingjaz daxau”, itmienh swheij benz hwnqdaеuj. Daegnuengx gij hawj vunz boiqfug haenx, vanzlij dwg gienh saeh dwk diuqim haenx. Mbat haenx, daegnuengx ae lai, daxmeh cijndei soengq de bae yihyen. Lij mbouj caengz haeuj bakdou hung, daegnuengx couh daej hwnjdaеuj lo. Daxmeh gangj: “Ndaw dungx lwg’iq miz ‘non’ lo,

gangjnaеuz mbouj hawj canghyw yawjyawj, lwg’iq couh deng bingh lo, couh guh mbouj ndaej ‘gingjaz daxau’ lo. Lwg’iq lij siengi guh ‘gingjaz daxau’ lwi?” “Siengi guh.” Daegnuengx doq rih raemxda doq naeuz. “Yienghneix hawj mbouj hawj canghyw yawj?” “Hawj, hoeng lwg’iq mbouj dwkcim.” Daegnuengx sing iq dwk gangj. Canghyw genjaz aen ndang daegnuengx sat le, naeuz yaek dwk diuqim. Mbatneix daxmeh couh dampsim lai lo, daxmeh doiq daegnuengx gangj: “Lwg’iq dwg gingjaz daxau lwi? Gingjaz daxau dwkcim mbouj daej bw.” Siengi mbouj daengz daegnuengx cengq cehda hunghung dwk gangj: “Lwg’iq dwg gingjaz daxau, lwg’iq mbouj daej, lwg’iq mbeilaux, dawz ‘duznon’ gaeb deuz.” Nyex ndaej gyoengq husw cungj riu liux lo. Miz boux husw gaem fag cim dwk, hawj daxmeh caeuz lingh boux husw gaemh daegnuengx, daegnuengx youh gangj: “Lwg’iq dwg gingjaz daxau, lwg’iq mbouj daej, lwg’iq mbouj doengh, lwg’iq mbeilaux.” Daegnuengx caen dwg sing ndeu mbouj daej, di ndeu mbouj doengh dwk hawj husw dwkcim lo.

Neix couh dwg daegnuengx gou, boux daegnuengx mbeilaux ndeu, boux daegnuengx haenggyaеz guh gingjaz ndeu.

Nyienh daegnuengx maj hung maj cangq, daengzcog guh boux gingjaz daxau caen ndeu.

## Haetromh Lajmbanj

### 乡村的早晨

武鸣县仙湖镇中桥小学 四(3)班 潘姿静

Rumz liengzsoemsoem, haetromh lajmbanj caen gyaеundei, mbouj saenq mwngz bae yawjyawj ba.

Byaij youq gwnz doenghnaz, dauqcawq cungj dwg nywjheu dumzsubsub, haeuxyangz heusausau. Moix ngoenz haetromh, gwnz nywj cungj miz haujlai raemxraiz, lumj baenz naed baenz naed caw nei. Ngamq byaij yaep ndeu, dinvaq couh dumz lo. Muengh giz gyaе, baenz benq baenz benq reih haeuxyangz lumj baenz gaiq baenz gaiq feijcui hoemq youq ndaw doenghnaz. Giz gyaе, daengngoenz loh ok buenq aen naj, seizhaenx nditrongh saj rim gwnzdieg, gij raemxraiz gwnz nywj baez myab baez myab, lwenqda raixcaix. Haetromh, mok caengz sanq, seizneix byaij haeuj ndaw reih haeuxyangz bae, lumj byaij haeuj ndaw diegsien ityiengh, caen dwg lueg bya hopngomx, roeg heuh va rang ha! Gij nywj heu faex heu gwnz doenghnaz geijlai dwggyaеz, doenghnaz mbouj ged saekdi, dawz gij heu de mbouj louz saekdi dwk baij okdaеuj, sawj vunz simsoeng dangqmaz.

Sawqmwh, raq rumzliengz ndeu ci daеuj, gou engqgya roxnynh ciheij lumj youq diegsien ityiengh, yaengyaeng mbin dwk.

Gij haetromh gyaеundei lajmbanj, gou gyaеz mwngz, mwngz hawj gou daiq daеuj nauhyied.  
(指导老师:梁 春)

